

# MEMORANDUM O SARADNJI

između

EVROPSKOG BANKARSKOG AUTORITETA

(‘EBA’)

i

AGENCIJE ZA BANKARSTVO FEDERACIJE BOSNE I  
HERCEGOVINE,

AGENCIJE ZA BANKARSTVO REPUBLIKE SRPSKE,

NARODNE BANKE REPUBLIKE MAKEDONIJE,

CENTRALNE BANKE CRNE GORE,

NARODNE BANKE SRBIJE i

BANKE ALBANIJE

(‘Nadzorni organi potpisnici’)

Evropski bankarski autoritet (EBA), s jedne strane, i Agencija za bankarstvo Federacije Bosne i Hercegovine, Agencija za bankarstvo Republike Srpske, Narodna banka Republike Makedonije, Centralna banka Crne Gore, Narodna banka Srbije i Banka Albanije, s druge strane (zajedno, 'Stranke'),

Uzimajući u obzir Uredbu (EU) br. 1093/2010 Evropskog parlamenta i Vijeća od 24. novembra 2010., kojom se uspostavlja Evropski nadzorni organ (Evropski bankarski autoritet), kojom se vrše izmjene i dopune Odluke br. 716/2009/EC i ukida Odluka Komisije 2009/78/EC ('Uredba o EBA'), a posebno član 33. iste,

Dok:

(1) Finansijski sistemi evropskih zemalja izvan Evropske unije ('evropske zemlje koje nisu članice EU') u različitoj mjeri zavise od finansijskih grupa ili institucija sa sjedištem u Evropskoj uniji ('EU'). U interesu je bankarskih nadzornih organa iz evropskih zemalja koje nisu članice EU da razviju konkretne aranžmane za saradnju i razmjenu informacija između tih organa i EBA.

(2) EBA također priznaje potrebu da se razvije okvir za saradnju i razmjenu informacija sa bankarskim nadzornim organima iz evropskih zemalja koje nisu članice EU, s obzirom na njegov interes za praćenje dešavanja u bankarskim sektorima tih zemalja i njihov potencijalni utjecaj na EU.

(3) Je saradnja najefikasnija kada stranke koje saraduju dijele iste principe i imaju iste ili većim dijelom slične institucionalne okvire i nadzorne standarde, pa je stoga poželjno da tokom vremena teže ka zajedničkom rezultatu u ovim područjima.

(4) Su Nadzorni organi potpisnici iz evropskih zemalja koje nisu članice EU, a koje su pozitivno ocijenjene u kontekstu rada EBA na ekvivalentnosti odredaba profesionalne tajnosti trećih zemalja, te su odgovorni za nadzor podružnica ili filijala bankarskih grupa EU ili institucija koje posluju u njihovim zemljama.

(5) Bankarski nadzorni organi iz drugih evropskih zemalja koje nisu članice EU treba da budu u mogućnosti da se pridruže ovom okviru u kasnijoj fazi ako i kada režimi povjerljivosti koji važe za te organe budu pozitivno ocijenjeni od strane EBA.

su [ ] [ ] 2015. postigli ovaj Memorandum o saradnji (dalje u tekstu: 'Memorandum').

## 1. Cilj

Cilj ovog Memoranduma je da uspostavi okvir za saradnju i razmjenu informacija između EBA i Nadzornih organa potpisnika.

## 2. Opće odredbe

1. Nadzorni organi potpisnici će nastojati da svoje regulatorne i nadzorne standarde, kao i da svoje institucionalne aranžmane prilagode onima koji postoje u EU na način i u roku koji je prikladan s obzirom na specifičnosti svakog pojedinačnog tržišta.
2. Potpisivanjem ovog Memoranduma, Nadzorni organi potpisnici i EBA izražavaju svoju spremnost da sarađuju u oblastima koje se odnose na zadatke EBA kao što je navedeno u čl. 8. Uredbe o EBA, a koji uključuju razvoj Jedinственog pravilnika, promoviranje konvergencije nadzornih praksi i konzistentan i koherentan rad supervizorskih koledža, te praćenje rizika i slabosti u bankarskom sistemu EU; također se slažu da će njihova saradnja biti ostvarena na osnovu uzajamnog povjerenja i razumijevanja u skladu sa odredbama ovog Memoranduma.

## 3. Saradnja i razmjena informacija između Nadzornih organa potpisnika i EBA

1. EBA i Nadzorni organi potpisnici će uspostaviti namjenski forum. Ovaj forum će imati za cilj jačanje bankarske regulative i nadzora u zemljama Nadzornih organa potpisnika putem razmjene informacija i promocije nadzorne saradnje.
2. EBA će za potrebe ovog Memoranduma održavati i prosljeđivati Nadzornim organima potpisnicima spisak kontakt osoba unutar njihovih organizacija.
3. EBA će redovno obavještavati Nadzorne organe potpisnike o razvoju Jedinственog pravilnika, konvergencije nadzornih praksi i rada supervizorskih koledža u EU.
4. Nadzorni organi potpisnici će redovno obavještavati EBA o glavnim rizicima i slabostima koje djeluju na njihove nacionalne bankarske sektore. Oni će također redovno dostavljati EBA podatke i pokazatelje o svojim nacionalnim bankarskim sektorima, kao i ad hoc zahtjeve informacija, koji bi mogli biti potrebni u kontekstu rada EBA na analizi rizika.
5. EBA i Nadzorni organi potpisnici će sarađivati u vezi sa radom EBA na različitim procjenama ekvivalentnosti propisanim u relevantnim zakonima EU u pogledu zemalja Nadzornih organa potpisnika.
6. Osim toga, EBA će redovno davati najnovije informacije Nadzornim organima potpisnicima o glavnim aktivnostima koledža EU tako što će im dostavljati godišnji Akcioni plan koledža EBA i biltene koledža.

7. U mjeri u kojoj je dozvoljeno u važećim zakonima, EBA će nastojati da olakša učešće Nadzornih organa potpisnika u supervizorskim koledžima osnovanim prema relevantnim zakonima EU za bankarske grupe ili institucije koje djeluju u njihovoj nadležnosti.
8. Kako bi se doprinijelo razvoju zajedničke nadzorne kulture, EBA će otvoriti svoje redovne aktivnosti obuke učesnicima iz Nadzornih organa potpisnika i može im, ukoliko se odvojeno ugovori, pružiti konkretnu regionalnu obuku.

#### 4. Povjerljivost

1. EBA i svaki Nadzorni organ potpisnik će informacije koje su podijeljene na osnovu ovog Memoranduma, zahtjeve podnesene u okviru ovog Memoranduma, sadržaj takvih zahtjeva, kao i bilo koja druga pitanja koja proizlaze na osnovu njega držati povjerljivim u mjeri dopuštenoj zakonom.
2. Bez obzira na gore navedeno EBA može, za potrebe svojih zadataka, podijeliti informacije dobijene na osnovu ovog Memoranduma sa članovima Evropskog sistema finansijskog nadzora, centralne banke Evropskog sistema centralnih banaka ili drugih tijela sa sličnom funkcijom u svojstvu monetarnih vlasti ili drugih javnih vlasti koje su odgovorne za nadzor platnih sistema.
3. Osim na način predviđen u prethodnom stavu ili na drugi način u ovom Memorandumu, otkrivanje nejavnih informacija primljenih u okviru ovog Memoranduma bilo kojem nepotpisniku Memoranduma zahtijeva prethodnu saglasnost Nadzornog organa potpisnika od kojeg se to traži ili koji to otkriva, zavisno od toga šta je primjenjivo.
4. Ovaj Memorandum ili njegov glavni sadržaj će biti objavljen na web stranicama Nadzornih organa potpisnika i EBA.

#### 5. Priroda Memoranduma

1. Ovaj Memorandum je izjava o namjeri da se saraduje u skladu sa i na način dozvoljen zakonima i zahtjevima koji upravljaju Strankama.
2. Ovaj Memorandum nema za cilj da i ne (a) predstavlja obavezujući ili pravni sporazum na bilo koji način, (b) nameće bilo kakvu zakonsku obavezu ili dužnost EBA, EU ili Nadzornim organima potpisnicima, (c) dodjeljuje bilo kakva prava, ili (d) zamjenjuje važeće zakone; on ne dovodi u pitanje bilo koji tekući proces koji spada u politiku proširenja i/ili susjedstva EU. Njegove odredbe ne mogu dovesti do bilo kakve pravne tužbe u ime bilo koje Stranke ili trećih stranaka u toku njihove praktične implementacije.
3. Ovaj Memorandum ne zamjenjuje bilateralne sporazume potpisane između Nadzornih organa potpisnika i bankarskih nadzornih organa relevantnih država članica EU ili Evropske centralne banke, kao ni aranžmane o razmjeni informacija donesene u skladu sa pisanim aranžmanima o koordinaciji i saradnji koji su uspostavljeni za nadzor bankarskih grupa EU.

4. Ipak, Stranke se obavezuju na najbolje napore kako bi poštovali duh ovog Memoranduma pri razvoju mjera saradnje.

## 6. Izmjene i dopune

Ovaj Memorandum može biti izmijenjen i dopunjen Prilogom Memorandumu koji potpisuju Nadzorni organi potpisnici.

## 7. Pristupajući organi

1. Iako je ovaj Memorandum u početku ograničen na Nadzorne organe potpisnike, EBA će nastojati da procijeni odredbe profesionalne tajnosti koje važe za druge relevantne bankarske nadzorne organe iz drugih evropskih zemalja koje nisu članice EU što je brže moguće u granicama svojih raspoloživih sredstava i uzimajući u obzir zahtjeve nadležnih organa unutar EU.

2. Nakon što režimi povjerljivosti koji važe za gore navedene organe budu pozitivno ocijenjeni, organi mogu postati Nadzorni organi potpisnici ovog Memoranduma tako što će dobiti prethodnu saglasnost EBA i potpisati pismo pridržavanja ovom Memorandumu u Prilogu 1, bez ikakvih rezervacija. To pismo će također biti potpisano od strane EBA. EBA će obavijestiti ostale Nadzorne organe potpisnike o svakom novom Nadzornom organu potpisniku.

## 8. Raskid Memoranduma

1. Ovaj Memorandum će biti zaključen na neodređeni vremenski period.

2. EBA može raskinuti ovaj Memorandum kad je riječ o Nadzornom organu potpisniku davanjem pismene obavijesti tom Organu najmanje 30 kalendarskih dana ranije.

3. Nadzorni organ potpisnik također može raskinuti Memorandum davanjem pismene obavijesti EBA najmanje 30 kalendarskih dana ranije.

4. Saradnja i razmjena informacija u skladu sa ovim Memorandumom će se nastaviti do isteka 30 dana nakon što Stranka koja se povlači da prethodnu obavijest.

5. Nakon povlačenja Stranke iz ovog Memoranduma, ta Stranka će nastaviti da primjenjuje zaštite povjerljivosti navedene u ovom Memorandumu.

## 9. Stupanje na snagu

Ovaj Memorandum stupa na snagu [ ] [ ] 2015.

## 10. Organi nasljednici

Tamo gdje se relevantne funkcije Nadzornog organa potpisnika u okviru ovog Memoranduma prenose ili bivaju dodijeljene drugom organu ili jedinici u skladu sa zakonom, odredbe ovog Memoranduma će se odnositi na organ ili jedinicu nasljednika koji te relevantne funkcije vrši bez potrebe za bilo kakvim dodatnim izmjenama i dopunama ovog Memoranduma. To neće utjecati na pravo organa ili jedinice nasljednika i drugih Stranaka ovog Memoranduma da raskinu Memorandum, kao što je njime predviđeno, ukoliko to žele da učine.

Predmetni Memorandum se potpisuje u sedam originala na engleskom jeziku.

Za Evropski bankarski autoritet	Za Agenciju za bankarstvo Federacije Bosne i Hercegovine
Andrea Enria, predsjedavajući	Zlatko Barš, direktor

Za Narodnu banku Republike Makedonije  
Dimitar Bogov, guverner

Za Centralnu banku Crne Gore  
Velibor Milošević, član Savjeta i viceguverner za kontrolu banaka

Za Narodnu banku Srbije  
Đorđe Jevtić, direktor Uprave za nadzor nad finansijskim institucijama

Za Banku Albanije  
Natasha Ahmetaj, drugi viceguverner

Za Agenciju za bankarstvo Republike Srpske  
Slavica Injac, direktor

## Prilog 1

### Pismo pridržavanja Memorandumu o saradnji

Za Evropski bankarski autoritet

[Datum]

[Naziv pristupajućeg bankarskog nadzornog organa]

[Adresa]

Vrši se pozivanje na Memorandum o saradnji ('Memorandum') od [upisati datum] između EBA, s jedne strane, i Agencije za bankarstvo Federacije Bosne i Hercegovine, Agencije za bankarstvo Republike Srpske, Narodne banke Republike Makedonije, Centralne banke Crne Gore, Narodne banke Srbije i Banke Albanije, s druge strane.

[upisati ime dodatnog Potpisnika] se ovim putem slaže sa odredbama Memoranduma kao njegov Nadzorni organ potpisnik.

Ovo Pismo pridržavanja stupa na snagu i [upisati naziv dodatnog Potpisnika] postaje Nadzorni organ potpisnik na dan potpisivanja ovog Pisma pridržavanja od strane EBA, koji ovim putem evidentira svoj pristanak na način predviđen u odjeljku 7.2 Memoranduma.

Srdačan pozdrav,  
[dodatni Potpisnik]

\_\_\_\_\_

[Ime]

[Naziv]

Datum: \_\_\_\_\_

Priznato i prihvaćeno od strane:  
Evropskog bankarskog autoriteta

\_\_\_\_\_

[Ime]

[Naziv]

Datum: \_\_\_\_\_